



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



'Muso o
ipeha poaneng

5


O kopa namo

8



PHETOHO E AMA MORUO

www.moeletsioabasothe.co.ls



Re se re fumaneha ho marangrang

Email: newsroom@moeletsioabasothe.co.ls
Tel: +266 28350466/ Whats app: 62600983

MOELETSI

Makhotla a tšoere morethetho

PAC e khothaletsa 'forensic Audit'

lumelloa ho etsa litefo ntle le tumello tse hloka-halang. Leha ho le joalo, o amohetse hore ofisi ea



Nthabeleng Seitlheko

Mohlalobi oa Libuka, 'Mathabo Makenete o hlalositse hore litlaleho tsa lichelete tsa 'muso bakeng sa selemo se felileng ka la 31 Tihakubele 2024 li bontša phapang ea M3.09Billion e sa hlalosoang, e leng taba e entseng hore Komiti e Alositseng Tšebeliso ea Lichelete tsa Sechaba (PAC), e kope hore ho etsoe 'forensic audit' ho fumana hore na chelete eo e hokae.

H'a hlalisa tlaleho ea lichelete tse kopaneng tsa 'muso ka pel'a PAC ka la 9 Phupjane monongoa-ha, Makenete o hlalositse hore tlaleho ea lirisiti le litefo tsa chelete tsa 'muso li bontša chelete e setseng ea M5.91Billion, athe tlhaloso litlalehong tsena e bontša M2.82Billion feela. O itse phapang ena ea M3.09Billion e ntse e tsoela pele ho hlaha litlalehong tsa lichelete, e leng se ileng sa tsosa matšoenyeho har'a litho tsa PAC.

Molula-Setulo oa PAC, Machabana Lemphane Letsie, o re chelete eo e kholo haholo hore e ka se hlokomeloe, haholo kaha taba ena e ntse e tsoela pele ho tloha ka 2021 ha lekhalo le ne le M6.1Billion.

H'a araba lipotso tsa komiti, Makenete o boletse hore Banka e Kholo ea Lesotho (CBL), e etsa litefo feela ka litaelo tse tsoang Letlotlong la Lichelete ka tsamaiso ea IFMIS, kapa Ofisi ea Likoloto tsa Sechaba. O ile a tiisa hore banka e

hae ha e na litsebo le tekanyetso e lekaneng ho etsa 'forensic audit' e ka hlopholang sesosa sa phapang ena.

PAC e se e nkile qeto ea hore Ofisi ea Auditor General e tlameha ho fana ka tlhahiso ea tekanyetso e hloka-halang bakeng sa 'forensic audit' pele ho la 30 Phupjane monongoa-ha e le hore e ka kenngoa tekanyetso e tlatsetsang ea lichelete. Puisano ka tlaleho ea lichelete tsa 'muso e ntse e tsoela pele ka pel'a komiti.

Mazenod PRINTING WORKS (Pty) Ltd

57396597
28 350 815

28 350 466
lesaoanat@gmail.com




Scan me

**U se u ka fumana
buka ea
Malebela ho
marang-rang a
boletsoeng ka tlase
kapa oa sebelisa code
e kaholimo.**

"Get the Akello app on Play Store, App Store, or Huawei App Gallery for Mazenod books and more. Download now!"

akello

https://library.akello.co/downloads

O mong oa melao ea Morena Molimo o re 'u se ke oa bolaea.' Ha hona motho ea nang le tokele ea ho nka bophelo ba motho e mong. Bophelo ka ba Molimo kaha ke eena feela mongá bona. Rona empa re le libupuoa tsa hae feela, ha re phela kapa re shoa re ba Morena.

Makhotla a Lesotho e kare joale a tšoere letsoho, ho tla fufuleloa. Litloli tsohle tsa molao li nkeloa khato ho tlohetsoe papali eane ea maoba le maobane. Re bona feela hore Litsi tsa Tlhabollo ea Batšoarua li ea tlala ka baka la tšubuhlellano, le hoja boemo ba teng bo se ntse ba sa jese litheohelang ka baka la bongata ba litloli tsa molao.

"Tšoarang sera, haeba se hana kapa se baleha, se bo-laeng."Litaba tsee li reng ho uena Mosotho oa heso? Na tšireletso e sale teng moo ho batho bao re ba tšepile hore sireletsa? Kea li hlonphaa litaelo. Ke tseba moo ho thong ha motho a le hlaha kapa a hana ho tšoarua, o mo etse hore a be bonolo o t'lo tsebe ho mo atamela, e seng ho mo bolaea. Khilik! Na re tiea re hlapanya re re masole a mamela litaelo ho feta molao?

Re ithutile hore litaelo li boima hobane ke liqeto tse etsoang ke ba ka holimo, e be li theoleloa ho ba katlase hore ha eba li phethe, e le mpe kapa e le ntle.Joo! Bona sehloho se joalo ha bana ba batho ba theohela ka baneng lilemo tse 20 kaofela. Re leboha Moahloli e Moholo oa Lesotho ka kahlolo eo. Sena se tla ruta ba bangata hore litaelo ha li kaholimo ho molao.Ke thoholetsa hore ho etsoe hlahlahlobisiso e le hore ho t'lo nkuoe khato khahlanong le balaoli ba neng ba fana ka litaelo hore e be litaba li ile tsa ba tjena.

Taba ena e tla fetisa molaetsa o tla fihla ho masole ohle hore a se ke a itsoara ka tsela e etsaang hore baahi ba phele ka tšabo, 'me ba seblise libetsa tsa bona ka hloko, boitšoarobottle le boikarabello. Ha sethunya sa ntoa se thunya motho ea sa loaneng ke ntho e joang?

Mekha le makhotla a lipolotiki ao IEC eneg e a beheletse ka thoko a khutliselitsoe ngolisong hape. Ho bonahala bane ba sa ikamahanye le lithokahalo tsa molao le tsa tsamaiso. Molula-Setulo oa IEC o re IEC ke setsi se hlomphang molao 'me se tla kenya tšebetsong qeto eo ea makhotla.

O re ha ho hlaha likhang pakeng tsa Komisi le basebetsi ba eona, ba amehang kapa mekha le makhotla a lipolotiki mabapi le tlhaloso ea molao, makhotla a bapala karolo ea bohlokoa ho fana ka tataiso le tlhaloso.

Ke hantle haholo hore ha o filoe boikarabello bo itseng hore mosebetsi o tsamaee hantle, o tšoanela o ne o fane ka tlaleho ho ea o fileng thomo. Matona a atlameha hore a ne a fane ka tlaleho khafetsa ea tšebetso Makaleng a bona ka ho fapakana ao ba alositseng.

Boikarabello ha se mohopolo o mocha, empa 'muso o tlameha hore o be le sethala se hlophisitsoeng, seo ka sona o ka arabellang lipotso tsa sechaba ka kotloloho, ke hore sefahleho le sefahleho, e le hore sechaba se fumane likarabo mabapi le mesebetsi ea 'muso. Taba ena ea hore Tona-Kholo ea Lesotho o bitsitse makanselara ohle ho tla ba le lipuisano kea bohlokoa,hona ho bontša tsello, 'me ho okha matla hape ho mongá hau hoa thabisa. E ka ka matla a tla theoleloa sechabeng joale.

Motho o pakoa ka mesebetsi ea hae e metle sechabeng, 'me eona e tla mo latela. Liphahamiso ha li ke li tsamee hantle moo ho hloka-halang, sechaba sa Basotho tlohella mona kapa bona bokhopo. Na ke bohlokoa e be litaba li be sale li rarolloa ke Monamoli kapa ona Makhotla?

Hangata motho o sebetsa hore qetello a tle a fumane moputso, hore a tsebe ho arabela lithoko tsa Lelapa. Joale re ipotsa hore no ho etsahalang ka ba sebelitseng palong ee ea sechaba, haeka ba lla sa mokotsana tjee? Feel a maosebetsi ba o phethile ka bokhabene le boitelo. Re ipeletsa ho letona le ikarabella ho ntša manane hle.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKHETSE MORENA SECHABA SE PHETHEHLING (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Babolai ba nkeloa khato

Nthabeleng Seitlheko

Moahloli e Moholo Sa-koane Sa-koane, o re ho lokela ho nkoa khato khahlanong le balaoli ba masole a mabeli a Sesole sa Lesotho (LDF), a neng a sebetsa tlasa Unit ea Special Forces, a ahloletsoeng lilemo tse 20 chankaneng ka lebaka la polao, lilemo tse 10 ka lebaka la teko ea polao le lilemo tse 4 ka lebaka la tšenyō ea

Sesole.

O boletse hore mokhoa oo oa koetliso, o etsang hore masole a mamele litaelo ho feta molao, o khahlanong le liqeto tse kileng tsa etsoa ke Lekhotla le Phahameng le Lekhotla la Maipiletso.

Lekhotla le re mosebetsi oa mantlha oa sesole naheng ea pusa ea sechaba ka sechaba ke ho sireletsa boipuso ba naha le bophelo hammoho le thepa ea baahi.

Bopaki bo hlahisitsoeng lekhottleng bo bontšitse hore Sebolai le Ratšiu ba ne ba le mosebets-



mapolesa a ka leka ho tšoara molaoli oa sesole ka nako eo.

lisoa ho emisa koloi feela, empa a ne a reretsoe ho bolaea batho ba ka hare ho eona. O ile a boela a hana boitšireletso boo baqosuo ba neng ba bo hlahisitse ba reng ba ne ba latela litaelo tsa baokameli ba bona, kapa ba ne ba lumela hore ba ne ba etsa se nepahetseng.

Leha a fumane hore tšabo ea kotlo haeba ba sa mamela litaelo e ka nkoa e le lebaka le fokotsang boima ba molato, Moahloli o ile a re ho boetse ho na le mabaka a boima, hobane ba sebelisitse libetsa tsa nto tse reretsoeng ho bolaea, 'me mofu o ile a thunngoa likarolong tsa bohlokoa tsa 'mele, ha Jane eena a ile a qeta matsatsi a 11 sepetlele.

masole ohle hore a se ke a itšoara ka tsela e etsang hore baahi ba phele ka tšabo, 'me a sebelise libetsa tsa bona ka hloko, boitšoaro bo botle le boikarabelo.

Nakong ea nyeoe, 'mueli oa tšireletso, Adv. Sello Tšabeha, o ile a kopa mohau bakeng sa baqosuo, a re ba ile ba latela liphelelo tsohle tsa beile, ba sebelisana le mapolesa, bile ba bontšitse masoabi ka se etsahetseng.

Marena a tsoang metseng eo baqosuo ba tsoang ho eona le ona a ile a fana ka littaleho tse ba hlalosang e le batho ba nang le boitšoaro bo botle, ba hlomphang sechaba le ba thusang ho boloka khotso.

Molaoli oa Special Forces, Colonel Tefo Ramosie, o ile a re masole ana a sebelitse sesole ka botšepelhi, a bile a nka karolo mosebetsing oa ho boloka khotso Mozambique ka 2021. O ile a boela a re LDF e kentse letsoho ka M10,000.00 litšenyehelong tsa lepato la Tang le ho haha ntlo ea likamore tse peli bakeng sa lelapa la hae, hape e ikemiselitse ho buisana ka puseletso le malapa a amehileng.

Qetellong Moahloli e Moholo o laetse Mongolisi oa Lekhotla le Phahameng ho romela kopi ea kahlolo ena ho Molaoli oa LDF, Mookameli oa Sepolesa le Mookameli oa Bochochisi ba Sechaba (DPP), e le hore ho hlahlobisoe monyetla oa ho nka khato khahlanong le balaoli ba neng ba fana ka litaelo tse lebisitseng ketsahalong ena.



theapa ka boomo. Tsena li bile Lekhotleng le Phahameng ka la 9 Phupjane monongoaha.

Masole ao ke Corporal Tjekane Sebolai le Corporal Selone Ratšiu, a ileng a fumanoa a le molato oa ho bolaea Lisebo Tang, ketsahalong ea ho thunya e etsahetseng haufi le lehae la molaoli oa mehlang oa sesole, Tlali Kamoli, ka selemo sa 2014.

Ba boetse ba fumanoe ba le molato oa ho leka ho bolaea Tšepo Jane, ea neng a le ka koloing le mofu nakong eo. Jane o ile a pholoha ka mor'a ho tsoa likotsi. Hape ba ile ba ahloloa ka lebaka la ho senya koloi eo ka ho e thunya.

H'a fana ka kahlolo, Moahloli e Moholo o ile a hlokomela hore koetliso eo masole a e fumanang e ba ruta ho mamela litaelo tsa baokameli ba bona ntle le ho li botsa, kaha ho se etse joalo ho ka etsa hore ba qosoa ka Lekhotleng la

ing ntlong ea Kamoli, ha ba thunya koloi eo Tang le Jane ba neng ba le ho

Masole ana a ile a re a ne a latela taelo e reng: "tšoarang sera, haeba se



eona, hobane e ne e tšoana le koloi e neng e hlalositsoe tlhokomelisong ea tšohanyetso.

Ho ne ho boleloa hore ho na le koloi e tšoeu ea mofuta oa 4x4 e neng e belaelloa ka ho tsamaisa libomo, hape ho ne ho e-na le tlhaiso-leseling ea hore

hana kapa se baleha, se bolaeeng." Leha ho le joalo, lekhotla le fumane hore koloi eo e ne e eme tseleng ea sechaba, hole le ntlo ea Kamoli, 'me e ne e sa behe bophelo kapa thepa kotsing.

Moahloli o ile a re matla a bolaeang ha a ka a sebe-

"Kotlo e fanoeng e lokela ho bontša hore sechaba se nyatsa ka matla boitšoaro bo joalo ba masole, e le hore Sesole sa Lesotho se boele se fumane lerato le tšepo ea baahi." Ho boletse Moahloli e Moholo.

O ile a tiisa hore molaetsa o tlameha ho filha ho

MOELETSI O TŠEHETSA BACHA

Tšelisong Thakholi

Bacha ba ikopantseng ka litsebo tsa bona tse fapakaneng tsa mopheho, ba Ha Abia Seterekeng sa Maseru, ba thehile khoebo e bitsoang Reaoboka Foods & Veg. e hlahisang 'atchar' e ka linkhong tse fapakaneng le ka libotlolong tse nyenyane. Ntle ho mona, ba boetse ba rekisa meroho, litholoana le likuku tse monate.

Bacha bana ba ikopantseng kamor'a ho ela hloko hore ke ka boikopanyo le ho arolelana litsebo tse fapakaneng ba ka loantša tlala le tlhokahalo ea mesebetsi e tjametseng bacha Lesotho. Morero oa bona ke ho loantša tlhokahalo ea mesebetsi le ho ruta bacha hore boikopanyo bo ka tsebang ho ba ntša bokhobeng ba tlala. E mong oa bathehi ba khoebo ena, ausi Palesa Ramonanki o re qoqela ka tsa khoebo ena ea bona.

QALEHO EA KHOEBO

Esale ke le motho ea nang le toro ea hoba le khoebo hobane lapeng ke ne ke setse le 'm'e oa ka feela kamor'a hore ausi, abuti le ntate oa rona morena a ba bile tse ho eena. Ka lehlohonolo ke holetse kahar'a khoebo, kaha batsoali ba ka esale ba iphelisa ka khoebo ea ho rekisa lijo kamor'a hore bobeli ba feloe ke mesebetsi ho e 'ngoe ea lihotele, moo ba neng ba sebetsa teng e le baapehi ba lijo.

Ha ke qeta ka Sekolong sa Lithuto tsa Matsoho le tsa Mahlale sa Limkokwing, ke ile ka ikopanya le metsoalle ea ka eo re neng re kena le eona, ra theha khoebo ngoahola e ntseng e le ncha haholo.

Pele re kopana ba babeli ba ne ba se ntse ba qalile khoebo ea ho hlahisa likuku, meroho le litholoana ha e mong eena

e le mohlabolli a bile a entse lithuto tsa khoebo ka Sekolong Seholo sa Sechaba (NUL). Ra fihla ra kopanya litsebo ra etsa khoebo e le 'ngoe eo kahar'a eona re kentseng likhoebo tse fapakaneng, ha e mong eena a re thusa ka litaba tsa ho

meroho, litholoana le likuku, empa 'na hao moo nkileng ka sebetsa, empa ha ke ntse ke le sekolong ke ne ke thusa batsoali ba ka, khoebong ea bona. Mosebetsi ona ke ne ke o etsa feela nakong ea ha likolo likoetsoe. Ho feta mona ke ba thusa

bo ha e tsamaee hantle, 'me lijo haholo tse kang likuku li sala li ntse li le ngata hoo re tlamehang ho lirekisa ka lithoko tse tlaase hore li mpe li fele. Ka hona sena e ba tahlehelo e kholo ka ho rona. Thepa e etsang 'atchar' e na le ho lieha ho fihla e

tsa rona.

TŠEHETSO HO TSOA HO LIKAMPANI

Hajoale hona le likampani tse peli tse re tšehelitseng bakeng sa ho re thusa ho fumana thepa e etsang lihlahisoa tsa rona ka mokhoa o bobebbe le hore latela eona ho bahlahisi, e be re se re e reka ho bona ka lithoko tse tlaase haholo.

KELETSO HO BACHA

Kannete puo ea rona ho bacha e ntse e le ea mehla eo ke lumelang hore e se e bile e tloaelehile ea hore ba ikopanye ka litsebo tsa bona tse fapakaneng, metseng le met-saneng moo ba phelang teng. Taba ena kea tseba hae qale ho buoa mona leqephepeng lena. Joale le rona e hlile re rata ho tisa taba ena ea hore ke ka boikopanyo bacha re ka tsebang ho ithehele mesebetsi ho latela litsebo tsa rona tse fapakaneng.

Ke sa tiisa ke re boikopanyo bo kaba tlisetsa bophelo. E kholo ka ho fetisisa e be batho ba nang le lerato la khoebo. Ba be le mamello le tiisetso ho ba khoebo ke ntho e hloakang ho tsoaroa ka tsela e hlokolosi haholo, e le hore e tle e tsebe ho phela nako e telele.



tsamaisa khoebo le ho e bapatsa likoranteng le marang-rang.

KAROLELANO EA TŠEBETSO

E le hore re tle re se ke ra iphumana re hohlana, re ile ra arolelana mesebetsi, moo ba ileng ba nkhethe hore ke be mookameli, ha e mong e le eena ea bapatsang le ho rekisa khoebo, e le hore batho ba tsebe ka eona. A le mong o ikarabella litabeng tsa lichelete. 'Na mesebetsi oa ka ke ho bona hore lintho lia etsahala ka mokhoa oo re li rileng ka teng. Ke kopa hore o ele hloko hore tsohle re ntse re lietsa 'moho empa joalokaha ke se ke boletse, hona ke tsela feela eo re arotseng tšebetso ea rona ea letsatsi ka leng ka eona.

TŠEBETSO PELE HO BOIKOPANYO

Pele ho boikopanyo ke se ke boletse hore ba babeli ba ne ba se ba ntse ba e-na le khoebo ea

litabeng tsa poloko ea libuka tsa khoebo, le hoja ke ne ke sena tsebo e phethahetseng papisong le hona joale.

LIQHOLOTSO LE LIKATLEHO

Qholotso e kholo ke ea hore ka nako e 'ngoe o tla fumana hore khoe-

be thepa e lieha ho fihla ho bareki ba rona. Haele likatleho ka 'nete ha li e-s'o be ngata haholo ho ba re sa le bacha, empa re se re atlehile ho fepelela mabenkele a mabeli ka thepa ea rona khoeli le khoeli. Le batho ka bo mong ba re tšehelitse haholo ka ho reka lihlahisoa



'Muso o ipeha pooaneng

Nthabeleng Seithheko

Muso o re nako ea hore makala a 'muso a sebetse ka thoko-thoko e felile, kaha joale baetapele ba lokela ho ithlopha, ba sebetse 'moho le ho arabela litlhoko tsa sechaba ka katleho.

Sena se boletsoe ke Motlatsi oa Tona-Khoho, Justice Nthomeng Majara, nakong ea phatlalatsa ea Seboka sa Baetapele ba Naha le Seboka sa Boikarabelo tse tla tsoaroa mafelong a Phupu. Tsena o li buile ka la 9 Phupjane.

Majara o itse likopano tsa Lekhotla la Matona le tsa

'muso tse ntseng li tsoaroa khafetsa, hangata li shebana le ho fetisa litlaleho tsa mesebetsi ea makala le ho tšohla melao, empa joale ho hloka hore baetapele ba bokane ka sepheo sa ho rarolla mathata a sechaba ka kopanelo. "Re batla baetapele ba 'muso ba tlohe mokhoeng oa ho sebetse ba arohane, ba be sehlopha se le seng se shebaneng le litaba tsa sechaba le tsa puso." Ho boletse Majara.

Ka lehlakoreng la leng, Letona la Khoebo le Netsopele ea Likhoebo, Mohlomphehi Motlatsi Maqelepo, o itse boikarabelo ha se mohopolo o mocha empa 'muso o ne o se na sethala se hlophisitsoeng



Makanselara a hloka theolelo ea matla

Nthabeleng Seithheko

Tona-khoho Samuel Ntsokoane Matekane o re leha khaello ea lichelete hangata e boleloa e le sesosa se seholo sa ho fokola ha litšebeletso sechabeng, bofokoli bo amanang le boikarabelo le puso e ntle le bona bo kenya letsoho haholo bothateng bona. Tsena li hlahelsetse puong ea hae kopanong ea lipuisano le bakhethoa ba puso ea libaka kopanong e neng e tsoaretsoe, Holong ea Liboka ea 'Manthabiseng, Maseru, ka la 10 Phupjane monongoaha.

O bontšitse hore lichelete tse abeloang makanselara li eketsehile ka 8.7% lilemong tse peli tse fetileng, e leng se thusitseng ho ntlafatsa tokiso ea litsela le marokho hammoho le khokelo ea metsi. Leha ho le joalo, o itse 41% tsa baahi li ntse li sa khotsofalla boleng ba litšebeletso tseo ba li fumang. Tona-Khoho o itse khaello ea lichelete ha se eona feela tšitiso phanong e ntle ea litšebeletso, a senola hore 'muso o ntse o rala moralo o tla nolofalletsa hore lichelete li fetisetsoe ka kotloloho.

A boela a hlokomelisa hore ho na le litsi tsa puso ea libaka tse khutlisetsang lichelete tse sa sebelisoang, leha a ne a li abetsoe ka botlalo, ka lebaka la mathata a tsamaiso ea theko ea thepa le litšebeletso. Ka hona, o khotalelitse baokameli ba likansele ho sebelisa lichelete tseo ba li abetsoeng ka boikarabelo, e le hore ba phethahatse boikarabelo ba

bona le ho ntlafatsa litšebeletso sechabeng.

Matekane o hlalositse makanselara a sechaba e le litšiea tsa puso ea sechaba ka sechaba, a bontšisa tšepo ea hore a tla tsoela pele ho kenya letsoho ntšetsopeleng ea naha. O boetse a tiisetse barupelua hore litaba tsohle tse hlalositsoeng nakong ea kopano li tla fuoa tlhokomelo e loketseng.

Ka lehlakoreng le leng, Letona la Puso ea Libaka le Borena, Mohlomphehi Nkhetsoa Seetsa, o hopolitse makanselara boikarabelo ba bona ba ho khotalelisa phano e sebetsoang ea litšebeletso le ho ntlafatsa bophelo ba batho ba ba khethileng.

O boetse a itlamba ho rarolla mathata a amanang le mechini e sa sebetsoang, eo barupelua ba a boletsoeng e le tšitiso e khoho mererong ea ntšetsopele ea sechaba. O bile a kopa ba ikarabellang lisebelisoa tsa 'muso ho emisa bosholu ba mafura le likarolo tsa mechini.

Moemeli oa Babusi ba Litereke, Bonang Morahanye, o bontšitse tšepo ea

hore puisano ena le Tona-Khoho e tla tliša liphetho tse bonahalang ntšetsopeleng ea litereke. O itse liofisi tsa litereke li ntse li ikemiselitse ho ntšetsa pele ntšetsopele ea sechaba, leha li tobane le mathata a mangata a tšebetso.

Ho sa le joalo, Ramotse oa Lekhotla la Toropo ea Maseru, Relebohile Sechache, o hlalositse matšoenyeha ka ho kenella ha liofisiri tsa matona le Litho tsa Paramente mererong e lokelang ho tsamaisoa ke makhotla a libaka.

O itse ho kenella hoo hangata ho baka likhohlano, haholo ha merero ea ntšetsopele e sebelisoa e le sesebelisoa sa matšolo a lipolotiki. O sisintse hore ho tsoaroe likopano tsa lipuisano tsa libaka tse fapakaneng tse kenyelletsang lekala le amehang le balekane ba bang ho rarolla bothata boo.

Ha bua Mohahla Molaopo o kopile hore leano la kabo ea matla le mesebetsi le kenngoe tšebetsoang ka botlalo. O boetse a kopa hore Mongoli e Moholo oa mehleng oa lekala a khutlisetsoe mosebetsing, a re

merero ea sechaba e ne e tsoela pele hantle nakong ea boetapele ba hae.

Moemeli oa Bangoli ba Makhotla a Litereke, Paseka Letela, o hlalositse kopano ena e le monyetla oa bohlokoa oa ho arolelana le ho buisana ka mathata a amang makanselara. Le eena o hatelletse bohlokoa ba hore theoleloea matla e phethahatsoe ka botlalo.

Har'a litaba tsa bohlokoa tse hlalositsoeng ke makanselara ho bile le tieho tšebetsoang ea theolelo ea matla sechabeng, meputso e tlase, mechini e sa sebetsoang ka lebaka la khaello ea mafura, khaello ea lichelete tsa merero ea ntšetsopele, le kabo e lekanang ea lichelete pakeng tsa makhotla a litereke le makanselara a sechaba, leha bohloko ba libaka le litlhoko tsa ona li fapane.

Barupelua ba boetse ba hlalositsoe ka liketsahalo tse peli tsa bohlokoa tsa naha tse tlang, e leng Seboka sa Boetapele se tla tsoaroa ho tloha ka la 21 ho isa la 23 Phupjane le Seboka sa Boikarabelo se reretsoeng la 1 ho isa la 3 Phupu.

seo ka sona o ka arabellang sechaba ka kotloloho.

O re Seboka sa Boikarabelo se tla fana ka monyetla oa hore baetapele le sechaba ba kopane sefahleho le sefahleho, moo Basotho ba tla khona ho botsa lipotso le ho fumana likarabo mabapi le mesebetsi ea 'muso. "Litaba tsa besebeletsi ha li robotse letona, re tlameha ho khona ho hlalositse sechaba seo re se entseng le moo re hlolehileng teng." Ho boletse Maqelepo.

Ka lehlakoreng le leng Letona la Mesebetsi ea Sechaba le Lipalangoang, Mohlomphehi Matjato Moteane, o senotse hore matona a ile a laeloa ke tona-khoho ho itlamba ka lipehelo tseo makala a bona a lokelang ho li fihlela.

O itse lekala la hae le ikemiselitse ho sebetse ka thata le ho feta selemong se secha sa lichelete, ka sepheo sa ho feta lipehelo tseo le li fihletseng selemong se fetileng.

Mabapi le kaho ea litsela, Moteane o re ho hloka hlahlopho mekhoaeng ea ho sebetse, moo ho tla shejoa haholo mekhoa e sebelisang basebetsi ba bangata ba matsoho ho e-na le ho itšetleha haholo ka mechini.

O re mokhoa oo o ka thusa ho eketsa monyetla ea mesebetsi bakeng sa Basotho ba bangata, ba ntseng ba sebetse mererong ea litsela le ba itšetlehileng ka mesebetsi eo ho fepa malapa a bona.

Seboka sa Boikarabelo se lebelletsoe ho fana ka monyetla oa hore sechaba se lekole tšebetso ea 'muso, ha baetapele bona ba tla tlameha ho fana ka tlhaloso mabapi le lipehelo tseo ba ileng ba itlamba ho li fihlela le likatleho kapa mathata ao ba kopaneng le ona.



CCL e keteka lilemo tse 60



Tšelisotho Thakholi

Lekhotla la Likereke la Lesotho (CCL) le qalile boitokisetso ba mokete o moholo oa thapelo le teboho oa lilemo tse 60 le thehiloe. Boitokisetso bona bo thakhotsoe ka 'moka oa baphatlalatsi ba litaba o bileng Ntlo-Kholo ea CCL, Maseru, ka la 10 Phupjane monongoaha moo Molula-Setula oa CCL Bishop Monaheng Sekese 'moho le litho tsa habo ba boletseng hore mekete e tlotlisang lilemo tse na, e tla tsoaroa litikolohong tse leshome tsa Lekhotla ho tloha mathoasong a Phupjane ho fihlela mafelong a Loetse monongoaha.

E ntse e le ntšetso pele ea mokete lihlooho tsa likereke li tla fana ka thuto e khethileng mabapi le Lekhotla la Likereke Lesotho ka la 26 Phato, 'me mokete o moholo o tla koala ketekelo ena ka 'mino, 'gala dinner', lithothokiso le thapelo o tla ba ka la 27 Pulungoana monongoaha.

E re kaha kamehla mokete e le ho keteka likatleho tse fihletsoeng le ho hopotsana tse fetileng, li le monate kapa li le bohloko le ho leboha Morena Molimo, ba re tse ling tse bohloko le likatleho tseo ba li fihletseng ka lilemo tse na tse 60, ke

ho tliša botsitso nakong ea pherekano e neng e tsoaloe ke lipolotiki ho tloha ha Lesotho le qala ho ipusa ho fihlela kajeno, ho sebeletsa botsitso ho tloha lilemong tsa bo 1970 litabeng tsa qomatsi ho fihlela ka selemo sa 1993, le poloheho ea baphaphathehi nakong ea puso ea khethollo ea Afrika Boroa.

"Basali le bacha ba ile ba thusoa ka ho ikholla bofumeng, ka mesebetsi ea matsoho ka mokhatlo o neng o bitsoa SODEPAX, le hoba tsoarela lithupelo Thaba-Khupa Ecumenical Centre." Ba boletse joalo ba bile ba phaella ka hore kahar'a lilemo tse na tse 60, Lekhotla le sebelitse e le mokena-lipakeng litabeng tsa lipolotiki, e bile le betlile mokhoa o mocha oa likhetho le boemeli ba lipolotiki ho tloha ka selemo sa 1998 e leng: Khekhetane, Semotinyane le Masiea-sieane.

Ba re Lekhotla le boetse la theha tokomane le Mokhatlo oa Machaba a Kopaneng (UN), e ileng ea tekeneloa ke baetapele ba mekha le makhotla a lipolotiki pele ho likhetho, moo ba neng ba itlamba hore ba tla amohela sephetho sa likhetho. E boetse ea eba molula-qhooa litabeng tsa tihopho-bocha tsa Naha ea Lesotho.

Ba thetha ka hore likatleho tse ling tseo CCL e liketekang ke manane-tšebetso a Lekhotla, a ileng a fana ka lithupelo ho sechaba bakeng sa ho felisa sekho le khethollo ho batho ba nang le tšoaetso ea HIV/AIDS, ho matlafatsa lihlopha tsa tšehetso metseng, ho hokahanya likereke le sechaba le lihlopha tsa tšehetso metseng hore li tsebe ho hlokomela ba tšoaletsoeng le ba anngoeng ke HIV/AIDS.

E kholo ka ho fetisisa ke hore Lekhotla le ile la thusa Basotho ka ho etella-pele lithapelo Se-ea-le-moeeng-pono sa Lesotho, linakong tseo ho neng hole bolutu ka lebaka la seoa sa COVID-19, la fana ka limonkoana ho Basotho ho itšireletsa khahlanong le seoa sena.

Lekhotla la Likereke Lesotho (CCL) le ne le thehoe ka selemo sa 1965 ke likereke tse supileng e leng AME, ACL, LECSA, MCSA, RCC, AGL le SCM, 'me thomo ea mantlha ea lona ke ho nchafatsa le ho matlafatsa Kereke sechabeng, e le mohloli oa poelano pusong ea Molimo le ho fetoha molomo oa ba sa tsebenng ho ipuella le ba sekisetsoang. Ka hona litšia tsa mantlha tsa lona ke kopano, poelano le bonngoe ba tumelo.

Lephako lea uba – basebetsi ba palo ea sechaba

Nthabeleng Seitlheko

Le hoja 'Musu oa Lesotho o ithorisa ka katleho ea palo ea sechaba ea marang-rang ea 2026, likeleli tsa basebetsi ba ileng ba qeta likhoeli ba hahlula le lithaba, har'a lehloa le maemo a mabe a leholimo li ntse li keketela ka lebaka la meputso e-s'o fihle matsohong a bona. Ba boletse tse na puisanong le Koranta ena ka la 10 Phupjane monongoaha.

Ba bang ba basebetsi bana ba re ba kene likolo-

e kholo, leha e ile ea tobana le mathata a kang lehloa le matla, ho sitisoa ha marang-rang le libaka tse hole tse thata ho fihleleha.

Leha ho le joalo, basebetsi ba re katleho eo e hahiloe ka boitelo ba bona, empa hona joale ba ikutloa ba lahiloe, kaha meputso eo ba e sebelelitseng e ntse e lieha ho fihla. Ba bang ba re ba alimile chelete ho lefella lipalangoang, lijo le lithoko tse ling tsa mosebetsi, ba tšepile hore ba tla e khutlisa hang ha ba lefshoa.

H'a bua kopanong ea ba amehang ka palo ea sechaba, Dr. Matlanyane o ile a kopa hore ho potlakisoefo ea basebetsi ba nakoana ba



tong, ba sebelisa chelete ea bona le eo ba e alimileng, ho phetha mosebetsi oo ba neng ba tšepisitsoe hore ba tla lefshoa ka nako. Kajeno ba bang ba re ba tobane le tlala, khatello ea maikutlo le ho hloka mokhoa oa ho lefa melato e ba imetseng.

Sena se tla nakong eo Letona la Lichelete le Moralo oa Ntšetsopele, Dr. Retšelisitsoe Matlanyane, le hlalositse hore palo ena ea sechaba e bile katleho

neng ba sebetsa lenaneong lena, a bontša hore 'musu o ananela mosebetsi oo ba o entseng.

Leha ho le joalo, basebetsi ba bang ba re mantsoe feela ha a sa ba lekana, kaha likoloto li ntse li eketseha letsatsi le letsatsi, ha mala-pa a bona a ntse a emetse lijo le lithoko tsa mantlha.

Liphetho tsa pele tsa palo ea sechaba li lebelletsoe ho phatlalatsoa ka Phato selemong sena.



Malapa a 104 a imona menoana



Nthabeleng Seitlheko

Letona la Tekano, Bacha le Ntšetsopele ea Sechaba, Mohlomphehi Pitso Lesaoana, le thoholelitse malapa a unneng molemo morerong oa tharollo ea matla a nchafatseng, a ba kothalletsa ho sireletsa le ho hlokomela lisebelisoa tseo ba li fuoeng. O buile sena nakong ea thakholo ea morero oa Ntlafatsa Bana e neng e tšoaretsoe Telle, Mount Moorosi, ka la 5 Phupjane monongoaha.

Morero ona o reretsoe ho ntlafatsa bophelo bo botle ba bana, ho matlafatsa mamello ea malapa mathateng a bophelo le ho atolosa matla a loketseng, ka ho fana ka li-

hlahisoa tsa matla a letsatsi, le litfo tse hloekileng ho malapa a amohelang lithuso tsa bana a nang le bana ba ka tlase ho lilemo tse hlano.

Lesaoana o re morero ona o bontša boitlamo ba 'muso ba ho matlafatsa malapa a tlakotsing, hore a phele bophelo bo nang le seriti le ho fihlela bokhoni ba ona bo felletseng.

O boetse a re thakholo ena ke mohato oa bohlokoa ntoeng khahlanong le bofuma, kaha malapa a tla una molemo a ke ke a hlola a sebelisa chelete e ngata ho reka libeso kapa ho itšetleha ka patsi. "Lisebelisoa tse na li tla atolosa matla a hloekileng, bakeng sa ti-koloho e sireletsehileng, e phetseng hantle le e tšehetsang kholo le ntšetsopele ea bana." Ho bole-tse Letona.

Ka lehlakoreng le leng Letona la Matla le Merafo, Mohlomphehi Lejone Mpotjoane, le kothalelitse sechaba ho hlokomela lisebelisoa tseo ba li fuo-

har'a mathata a khaello ea motlakase a tobaneng le sebaka seo.

O boetse a ba tiisetse hore motlakase o tla fihla libakeng tseo, a re metse



eng le ho sebelisana hantle le baahisani ba bona,

ea Masiu le Moqalo e tla hokeloa marang-rang a motlakase haufinyane.

Moemeli oa UNICEF Lesotho, Deepak Bhaskaran, o re morero ona o bontša boitlamo ba mokhatlo oo ho ntlafatsa bophelo ba bana naheng ka bophara. O re phihlallo ea matla a hloekileng e tla kenya letsoho ho aheng malapa a sireletsehileng, ho ntlafatseng boiketlo ba bana le ho matlafatseng malapa. O boetse a hlalosa hore morero oa Ntlafatsa Bana o thusitse malapa ho ntlafatsa phepo e

nepahetseng le metsi a hloekileng har'a melemo e meng.

H'a bua lebitsong la European Union (EU), Marcella Veneziani o itse matla a nchafatsoang ke e 'ngoe ea litšiea tsa bohlokoa tsa mokhatlo oo. O re bana ba hloka leseli hore ba ithute le metsi a hloekileng hore ba phele hantle, ka hona malapa h'a lokela ho qobelloa ho sebelisa chelete e ngata ho reka mafura. O kothalelitse bacha ho ithuta ka tlhokomelo le tšebeliso ea lisebelisoa tsa matla a nchafatsoang, le hore li ka tsoela malapa molemo ka lilemo tse ngata.

Setho sa Paramente Mount Moorosi Thuso Masetlela, o bontšitse thabo le teboho ka morero ona, a re o tla ntlafatsa haholo bophelo ba sechaba, kaha sebaka seo se ntse se se na motlakase.

Lebitsong la sechaba 'Matlotliso Mabitle o lebo-



Ramotena o kopa namo



Nthabeleng Seithheko

Chief Officer Bokang Ramotena, o lla seboko sa phohomela ka liphahamiso tse etsoang ka khethollo Litsing tsa Tlhabollo ea Bats'aruoa, o tiisitse litaba tsena ka ho kopa namo ho Monamoli ka lengolo le kopang namo ka phahamiso ea hae mosebetsing. Lengolo lena ke la 10 Phupjane monongoaha.

Lengolo le tsoanang o bile o le ngoletse le Komiti ea Paramente e Shebaneng le Litaba tsa Boiketlo ba Sechaba. O tiisitse hore o ngotse lengolo le joalo 'me o tla nama ka litaba hantle nakong eo, moo a kopileng thuso teng mohla a bitsoang. A re o na le tšepo ea hore o tla thusoa.

Litaba tsena li malebana le liphahamiso tse sa tsoa et-sahala kahar'a LCS, 'me o re o kopa ho phahamisetsoa boemong ba Superin-

tendent. O re boemo bona ke bo bong ba likheo tse neng li phatlalalitsoe, 'me ka lebaka la boemo boo a bo tšoereng ha joale, o ne a tsoanela ho etsa kopo, empa o ile a haneloa ka monyetla oo ke Mookameli oa Lichankana.

O tsoelapele o re e le tlhokahalo ea ho etsa kopo bakeng sa boemo bona, o ne a lokela ho pakoa ke liofisiri tse lokelang, empa liofisiri tse ling tse kholo li ile tsa hloleha ho etsa joa-

lo, hobane Mookameli oa Lichankana (ea tšoereng molepo) o entse taelo ea hore ha ho ofisiri e lokelang ho laeloa ho mo-hlahloba kapa ho mo paka kapa "to appraise her."

O re ea tšoereng molepo e le Mookameli oa Lichankana o ile a bitsa 'moka oa bo-ralitaba, moo litsi tsa bophatlalatsi tsohle li neng li menngoe hore a se hloloe a bonoa kae kapa kae a etsa mosebetsi ea chankana, ea mofuta ofe kapa ofe. O re ka la 24 Loetse ngoahola o ile a ngolla litsi tsa bophatlalatsi ntle le ho mo tsebisa joaloka ofisiri, empa a mo bolella lengolong la hae, leo a hoketseng kopi ea lona litabeng tsena.

O re ka la 7 Mphalane ngoahola, o ile a fumana lengolo ho tsoa ho Mookameli oa Lichankana (ea tšoereng molepo) le mo laelang hore a emise hang-hang ho sebetsana le litsi tsa litaba ka lebitso la LCS.

O re ho ne ho tšoana leha eka o tlotse o mong oa melaoana e laolang LCS, ho latela molumo oa lengolo. O re sena se ile sa makatsa hobane, o fumane liteboho le maikutlo a matle ho tsoa

ho sechaba ka kakaretso mabapi le lipuo tsa hae.

O re ha morao boemo bo ille ba bapatsoa, eaba o haneloa ka monyetla oa ho etsa kopo, o re ka Mots'eanong o ile a makala hore e 'ngoe ofisiri lefapheng leo, e phahamiselitsoe ho boemo bo phahameng, a fuaa matsatsi a phomolo a bokulo, khoheli tse tšeletseng kaofela, kamor'a ho tsamaea 'physiotherapy' nako ea lilemo tse peli kaofela, ka nako ea matsatsi a mabeli bekeng.

O re o sekiselitsoe ho sa natsehe makhabane a hae, boitelo ba hae ba mosebetsing. O re o ne a sa tšoaroe hantle, 'me ke ka mabaka a na akopang ofisi ea monamoli ho kena lipakeng, le ho mo thusa hore a tsoelepele ka mosebetsi oa hae e le Para-Legal Officer, 'me a etse mosebetsi oa hae o tloalehileng, le hore a fuae phahamiso ka thoko le hore le ho etsa kopo, ho fapana le ofisiri e fuoeng phahamiso empa maemo a bophelo a mo imetse.

Ho sa le joalo, re tla hopola hore bookameli ba LCS, bo ne bo mo hlohlolle litabeng tsa LCS ho khaotsa hoba molomo oa LCS litsing tsa bophatlalatsi, ka 'moka oa bo-ralitaba oo a buoang ka ona.

Mekha e khutlisetsoa kahar'a IEC

Nthabeleng Seithheko

Komisi e Iekemetseng ea Likhetho (IEC) e re e amohetse qeto ea lekhotla e laelang hore mekha le makhotla a lipolotiki a mane a neng e hlakotsoe ngolisong e khutlisetsoe hape.

H'a bua le bo-ralitaba Maseru ka 9 Phupjane monongoaha, Molula-Setulo oa IEC, Dr. Maphephe Maphephe, o re komisi e hlompha puso ea molao ebile e tla ikamahanya le qeto eo ea lekhotla.

Lekhotla le ahlotse hore mokha oa Basutoland Democratic Congress (BDC), Bahlabani Ba Tokoloho Movement (BBTM), Basotho Democratic National Party (BDNP) le Lesotho Economic Freedom Fighters (LEFF) e khutlisetsoe ngolisong kamor'a hore ba qholotse qeto ea IEC ea ho ba hlakola.

Dr. Maphephe o hlalositse hore ho hlakoloa hono ho ne ho etsoa ho latela karolo ea 27 ea Molao oa Likhetho oa 2011, e fang komisi mat-

la a ho hlakola mekhatlo e sa phetheng litlhokahalo tsa molao. O re mekha e amehileng e ne e sa khotsofala ke qeto eo, ka hona ea sebelisa tokelo ea eona tlas'a karolo ea 28 ea molao oo ka ho isa taba lekhotleng. "Komisi e ile ea nka qeto eo ka tumelo e ntle, leha lekhotla le ile la bona taba ka tsela e fapaneng. Re amohetse kahlolo eo, 'me re tla e hlahloba ka hloko ho bona hore na mehato e latelang e tla ba efe." Ho boletse Dr. Maphephe. O ekelitse ka hore IEC e le setsi se hlomphang molao se tla kenya tšebetsong qeto ea lekhotla.

Mabapi le liqoso tsa hore komisi e batla ho fokotsa palo ea mekha le makhotla a lipolotiki naheng, Dr. Maphephe o hanne liqoso tseo, a re IEC e hlakola feela mekhatlo e sa ikamahanyeng le litlhokahalo tsa molao le tsa tsamaiso. O hatelletse hore sepheo sa komisi ha se ho fokotsa palo ea mekha ea lipolotiki, empa ke ho netefatsa hore mekha eohle e ngolisitsoeng e sebetse ho latela molao.

Ho sa le joalo, Dr. Maphephe o phatlalalitse hore Mookameli oa Likhetho

o itokolle mosebetsing. O re komisi e ile ea tobana le mathata a ho tlatsa sekheo seo, empa hajoale e se e khethile Mofumahali Lydia Macheli hore e be Mookameli oa Likhetho ea tšoereng molepo.

O boetse a re ha ho hlaha

Dr. Maphephe o netefalelitse Basotho hore leha komisi e tobana le liphephetso tse fapakaneng, e ntse e ikemiselitse ho phetha boikarabello ba eona kahar'a meeli ea molao.

Mabapi le menyenyetsi ea likhetho tsa tšohanyetso,

e ntse e hlophisa manane a bakhethi.

"Leha ho le joalo, leha re ka tlangoa maoto le matsoho, re tla etsa mosebetsi oa rona. Komisi e tla tsoela pele ho phethahatsa boikarabello ba eona ho latela molao." Ho boletse eena.



likhang pakeng tsa komisi le basebetsi ba eona, ba amehang kapa mekhatlo ea lipolotiki mabapi le tlhaloso ea molao, makhotla a bapala karolo ea bohlokoa ho fana ka tataiso le tlhaloso.

Dr. Maphephe o ipilelitse ho bohle ba nang le thahasello litabeng tsa likhetho hore ba tšoare lipere hanyane. O re komisi e ntse e ithuta molao o mocha oa likhetho o sa tsoa amoheloa, hape

Molula-Setulo o phethetse ka ho re IEC e ntse e sebetse pepeneneng, ka botsebi le boikarabello ho phethahatsa thomo ea eona, ea ho tsamaisa likhetho ka toka le ka botšepahi.



TSA KEREKE

Kopano e betsa khoba

Staff

Kopano ea Cecilia ea Halalelang tikolohong e kholo ea Maseru e bile le boithahlobo boithuto ba lifela tse 'ne le lipina tsa lehae tsa puo ea Sesotho. Tsena li bile St. Louis Matsieng deanery ke Mazenod ka la 6 Phupjane monongoaha.

Joalokaha e le mosebetsi oa mantlha oa kopano ea Cecili ea Halalelang hohle moo e hlomiloeng hona teng, e tlangoa ke melao ea eona hore e be letsoho le le-

tsela eo li bitsoang kateng e ne e le C Section, Standard, Large le Champs of Champs. Ke hona moo mokhahlelong oa C Section Bishop Ceneze ileng ea ikhapela maemo a pele ka lintlha tse 158 deanery kea Mofumahali oa Tiholo, Maemo a bobeli e bile St. Magdalena 134 deanery kea Assumption, borarong ke Maria 'Mamolimo ka 133 deanery Mofumahali oa Tiholo.

Mokhahlelong oa Standard maemo a pele e bile Mofumahali oa Tiholo ka lintlha tse 169 deanery kea Mofumahali oa Tiholo, bobeling

151 deanery kea Mofumahali oa Tiholo. Lihlopha tsena kaofela li ile tsa abeloa mehope e metle haholo.

Rameea oa Kopano ea Cecilia boemong ba tikoloho e kholo ea Maseru Fr. Letsepe OMI, o ile a re boithahlobo bona bone bo tl'O hlakola tse ileng tsa etsahala selemong se fetileng Ha Leqele, 'me o lumela hore lihlopha li ile tsa hla tsa itlhophele bona ka boitelo ke boithabo. A leboha bohle ba atlehisitseng mosebetsi oo, a re o khotetse haholo hobane o bona kholo ho lihlopha tse ling, ka ho kheth-



tona la moprista. Ka ho bona hore litšebeliso tsohle tse amanang le Sehlabelo se Halalelang sa 'Missa li tsamae hantle. Ke mosebetsi oa bona hape ho ruta bakriste lifela tsa kereke, e le hore phutheho ea Morena Molimo e tsebe ho bina hammoho le ka makhetho ho tlotlisa Morena.

Litho tsa kopano li ne li kopane ka sepheo sa ho thakelana ka malebel, le ho tentšana tšea. Augustinus ea Halalelang o re ho bina ke ho rapela ha beli. Boithahlobo bona ba litho ha se tsholisano joalokaha ho tloaelehile, kaha ho ajoa mehope, empa kahar'a kopano e bitso boithuto boithahlobo.

Lifela li tlameha ho binoa ka tsela eo li ngotsoeng kateng ho latela baqapi ba tsona, hobane tsohle li fetisa molaetsa. Ka hona ha ho hloka hore ho eketsoe kapa ho fokotsoe, hobane ka ho etsa joalo ke ho kenakena le pina ea motho hoo e ka o behang ka mosing.

Lihlopha li ne li arotsoe ka mekhahlelo e mene. Ka

e bile Pelo e Tlotlehang ke 161 deanery ke Mofumahali oa Tiholo, borarong ke St. Flix ka 153 deanery kea Mofumahali oa Tiholo.

Mokhahlelong oa Large e bile Assumption ka lintlha tse 165 deanaery kea Assumption, bobeling ke St. Louis ka 161 deanery kea Mazenod, borarong ke 'Maligrasia ka 159 deanery kea Mofumahali oa Tiholo. Haele ho Champs of Champs e bile Maria Mofumahali oa Lefaatše ka 162 deanery kea Mazenod, bobeling ke Sione ka 153 deanery kea Assumption, borarong ke St. Damian ka

oeha a qolla Bishop Cenez. Maria Mofumahali oa Lefaatše e bitsitse khoba le monongoaha ka ho nka maemo a pele, boteng ba moprista oa bona Fr. Patrick Khali Khoele OMI. Kamehla o lula a alositse linku tsa hae.

Ho sa le joalo ka Sontaha sa la 7 Phupjane o ile a hlo-mamisa Lekhotla la Bana Mofumahali oa Lefaatše, kaha bana bana le 'Missa oa bona, ka hona ba tlameha hore ba iketsetse mesebetsi eohle e ba amang e le bana, haholo ho ntšetsa pele thuto ea Katikisima. Thupa e o tlohoa e sa le metsi.



2025-2026 SELEMO A

SONTAHA SA 11 HAR'A SELEMO



Exoda. 19:2-6
Pesalema 99
Ba-Roma 5:6-11
Matheus 9:36.10:8



Khothatso

Baapostola ba 12

Evangeli ea kajeno e re phetela pitso ea baapostola ba leshome le metso e 'meli le taelo tse ba ileng ba li fua ke Kriste ha a ba roma linkung tse lahlehleng tsa ntlo ea Israele. Hore re tle re utloise evangeli ena, re tsoanetse ho qala pele ka ho ikhopopotsa histori ea sechaba sa Israele.

Thuto ea pele e tsoang Bukeng ea Deuteronoma e re bontša Morena Molimo ha a bua le Moshe, a re ho eena: Ha le ka fela la utloa lentsoe la ka, la boloka selekane sa ka, le tla ba batho ba ka ka mokhoa o khethehileng ho feta lichaba tsohle tse ling. Ke tla le talima le le 'muso oa baprista le sechaba se halalelang.

Ka bomalimabe, Ba-Israele ba ile ba roba selekane sa bona le Morena Molimo ka makhetho-khetlo. Ba mo furalla, ba sebeletsa melimo ea lichaba tse ling. Morena Molimo a ba ahlola hangata, feela kamehla a ba tsoarela ha ba ne ba khutlela ho eena ka soabo. Empa ka morao ho liphoso tse ngata tsa mofuta ona, meloko e leshome ea Israele holim'a e leshome le metso e 'meli e ile ea ithatafatsa 'me ea furalla Molimo. Ha sala moloko oa Juda le oa Benjaminine feela. Esita le eona e ile ea tsoela pele ho sebeletsa Molimo o 'nete e ntse e mo fosetsa, e mo furalla ka nako e 'ngoe, empa ka e 'ngoe e khutlele ho eena ka soabo.

Ha Kriste a tla lefatšeng ho phethahatsa pallo eo a neng a e etselitse Abraham le litloholo tsa hae, ho nō setse balumeli ba seng ba ke ba tšepahalang. Ka baka leo, pele a roma baapostola ba hae ho lichaba ho ea fihla lipheletsong tsa lefatše, a qala ka ho ba roma ho linku tsa lahlehleng tsa ntlo ea Israele.

Ha Jesu a ne a bona matšoele o ná utloela bohloko, hoabane a ne a nyahame pelo, a saretsoe joaloka linku tse se nang molisa. E ne e le bakhafisi ba balot-sana, masholu, likoeta, ba khopo le ba hlohang botšephehi lipallong tsa bona tsa lenyalo, hape e ne e le balumeli ka lebitso feela, ba neng ba ikhetsetse ho hlaha ka tempeleng kapa ho rapela Morena Molimo boinotšing, mahabona.

Jesu o ná ba bona bohle 'me o ná ba utloela bohlokoa hobane bongata-ngata ba baetsalibe bana e ne e le batho ba boithatelo bo botle; ba ne ba etsa joalo ke ho hloka tsebo. E ne e le linku tse lahlehleng, e seng ka boomo, empa ka ho hloka molisa. Joale Jesu a re; Kotulo ehlile e kholo, empa basebetsi ba bakae. Ka hona a phakisa a roma baapostola ba hae kahohle, metseng le metsaneng, ho ruta batho hore 'Muso oa maholimo o só le haufi.

Histori ea sechaba se khethehileng sa Molimo se robang selekane sa sona le Molimo e tsoana le ea rona. Le rona, re sechaba se khethehileng sa Molimo. Ka Hlatsuo, re entsoe bana ba hae 'me o re baletse leholimo le tsohle tseo re li hlohang ho re fihlisa teng.

Ka bomalimabe, rona bakriste ha re fete Bajodi ka letho. Re baetsalibe joaloka bona, re roba selekane sa rona le Molimo khafetsa. E, rea mo furalla 'me re hloka ho khutlisoetsoa ho eena ka nako le nako. Joale Kriste oa re bitsa. Ha re fapane le ba bang ka letho, ha e se hore Kriste o re rata ho ba feta, o re thusa bo feta ba bang. O re fa matla a hae a khethehileng a baapostola 'me o re roma tšimong ea hae ho kotula. O re roma le ho ea batla linku tse lahehleng, ke hore bakriste ka lebitso feela, batho ba boithatelo bo botle, ba se nang moea o mobe, empa ba hlohang molisa, moemeli, moeletsi le motšehetsi.

Re utloise hore Kriste ha a re romele hole linaheng tse ling ho ea sokolla bahedene. Kajeno lena o bua feela ka linku tse lahlehleng tsa ntlo ea Israele. Bana ke bana babo rona, metsoalle ea rona, baahisani le rona, bao re ba tse-bang, bao re sebetsang le bona, bao re ba tloaetseng, esita le bao re lulang le bona; ka mohlo mong bana bohle ke bakriste ka lebitso feela.

Tsoanelo ea rona ea pele ke ho ba behela mohlala o motle oa bophelo ba 'nete ba sekriste. Ba likete-kete bakriste ba khutlelang ho Morena Molimo ka thuso ea mehla e metle ea bakriste ba bang. Empa mohlala o motle ha oa lekana. Ka nako e 'ngoe re tsoanetse ho ba eletska ka hlompheho le lerato. Keletso e amohela ha e fanoa ka boikokobetso le lerato.

Re se ke ra khalemala ba bang kapa ra ba ahlola ka mantsoe a thata kapa a bohlokoa, hobane ho ahlola ba bang hase mosebetsi oa rona. Seo re lokelang ho se etsa ke ho etsisa Kriste ea neng a hloile sebe empa a rata baetsalibe ka lerato le khethehileng.

Hape re tsoanetse ho hopola hore mosebetsi ona ke oa Kriste. Rona re batlatsi ba hae, re o etsa ka taelo ea hae le ka matla a hae. Re sitoa ho etsa letho ka ntle ho eena. Ka hona re ikopanye le eena kamehla ka thapelo, re tle re etse thato ea hae, 'me re mo kope hore a re fe tumelo, tšepo, lerato, matla, sebete, boikokobetso le makhabane óhle a hlokalang ho baapostola ba hae.

Bahalaleli har'a Beke

- 15 Phupjane Melan
- 16 Phupjane Benno
- 17 Phupjane Harvey
- 18 Phupjane Guy
- 19 Phupjane Didier
- 20 Phupjane Bagne

Phetoho ea leholimo e ama moruo

Nthabeleng Seithleko

Molula-Setulo oa Komiti ea Naha e Laolang le ho Shebana le Litaba tsa Phetoho ea Boemo ba Leholimo, Mofihli Phaqane, o re ka lilemo tse ngata litsi tsa lichelete li ne li sa behe taba ea phetoho ea boemo ba leholimo har'a lintho tsa bohlokoa mananeong a tsona. O boletse tseba puisanong le koranta ena ka la 9 Phupjane monongoaha.

O boletse hore sena se fokolitse menyella ea ho matlafatsa sechaba ho itokisetsa likoluo tsa tlhaho, le ho fumana thuto e lekaneng mabapi le litlamorao tsa phetoho ea boemo ba leholimo.

Phaqane o hlalositse hore e 'ngoe ea liphephetso tse khoho ke hore litaba tsa phetoho ea boemo ba leholimo hangata ha li nkoa e le mohloli oa phaello ea lichelete. Ka lebaka leo, litsi tsa lichelete li ne li sa li nke e le taba ea bohlokoa,



haholo-holo mabapi le ho tšehetsa likhoebo tse nyenyane le balemi, e leng lihlopha tse angoeng haholo ke likoluo tsa boemo ba leholimo.

O re o thabetse ho bona hore litsi tsa lichelete li se li qalile ho phahamisa litaba tseba le ho li kenya mananeong a tsona, e leng mohato oa bohlokoa oa ho

aha moruo o mamellang lipheto tsa boemo ba leholimo.

Ka lehlakoreng le leng, Thabo Qhesi o itse phetoho ea boemo ba leholimo e ama batho bohle, haholo-holo lihlopha tse tlokotsing. O re ha ho etsoa maano le lipheto tse lebisang moruong o motala, ho bohlokoa hore ho

se be le motho ea salang morao.

O boletse hore litlamorao tsa phetoho ea boemo ba leholimo ha li ame tikoloho feela, empa li boetse li sitisa khoho ea moruo le nt'setsopele ea naha haeba litsi tsa lichelete li sa nke khato e matla.

Mookameli oa Lefapheng la li 'Insurance' Bankeng e

Khoho ea Lesotho (CBL), Francis Makaka Mothibe, o re nako ea ho phahamisa tlhokomeliso feela e feelile, 'me joale ho hloka hlahla liketso tse bonahalang. O khothalelitse litsi tsohle tsa lichelete ho kenya letsoho ka mafolo-folo ho loant'sa litlamorao tsa phetoho ea boemo ba leholimo, kaha taba ena e ama sechaba sohle.

Makaka o bontšitse hore hoo e ka bang karolo ea 70 lekholong ea mesebetsi ea moruo Lesotho, e etsoa ka ntle ho tsamaiso ea semmuso ea lichelete, athe karolo ea 21 lekholong ea batho ba baholo ha e na libukana tsa lichelete, haholo-holo libakeng tsa mahaeng.

O boetse a re Lesotho ke e 'ngoe ea linaha tse angoeng haholo ke litlamorao tsa phetoho ea boemo ba leholimo, ka hona ho bohlokoa hore naha e potlakise ho kenya tšebetsong Leano la Tsela e Tala e le ho matlafatsa boikemisetso ba naha ba ho aha moruo o tsoarellang le o mamellang likoluo tsa boemo ba leholimo.

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tseba ho marang-rang a Akello Library

Mazenod BOOK CENTRE
Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

- 1. Visit Akello Library:** Go to (<https://www.akellolibrary.com/>) or download the app on the link provided above.
- 2. Sign Up/Log In:** Register or log in with your account.
- 3. Search:** Use the search bar to find "Mazenod Book Centre" or specific book titles.
- 4. Select a Book:** Click on the desired book to view details.
- 5. Borrow or Buy:** Borrow free books or purchase premium ones as needed.
- 6. Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597

akello
LIBRARY

FOR MORE
INFORMATION

22 322 213 / 27 350 562

maserubookcentre@gmail.com / bookcentre@mazenodprinting.co.ls

Limathi li malala-a-laotsoe

Tšeliso Thakholi

Limathi tsa Naha ea Lesotho tsa mebelo a mokoka tse kenyeletsang har'a ba bangata Olympian Tebello Ramakongoana, li tliil'o phahamisa folakha ea naha lebelong la bolelele ba 87km la Comrades, le tliil'o mathoa ho tloha Durban ho leba Pietermaritzburg Naheng ea Afrika Boroa ka Sontaha sa la 14 Phupjane monongoaha.

Limathi tsa Lesotho tseo e saleng li tšoere boikoetliso bo matla, ho itokisetsa Comrades Marathon, li re li malala-a-laotsoe ho hapa lebelo lena. Ba re ho tloha ngoahola ba ile ba ikemisetsa ho kenela lebelo lena, ke ka hoo ba sa kang ba hlola mabelong a mang a kang Two Oceans e bileng pejana selemong sena.

Ba ikemiselitse ho tla le boemo ba pele kapa hoba kahar'a ba leshome ba tla tsoa khoeleng pele. "Ba-koetlisi ba rona ba tšoere ka matla ho re thusa hore

re hape lebelo lena. Re ikemiselitse ho atleha, 'me ha hona ho hong hoo re ho nahanang ntle le tlhoho." Ke bona bao. Se makalitseng barati ba bangata ba mabelo ke hore e mong oa bahloli ba mabelo a Soweto le Two Oceans e leng Khoarahlana Seutloali h'a kenela lebelo lena monongoaha.

Mohloli oa ngoahola ea sireletsang lebelo lena ke Tete Dijana oa Naha ea Afrika Boroa ea ileng a le hapa ka nako ea 5:25:28, kamor'a ho le phamola ho Piet Wiersman ea neng a ikhapele lona ka selemo sa 2024. Leha ho le joalo, ho ke ke ha eba bobebe ho Dijana ho ikhapela lebelo lena, kaha o tobane le phephetso e kholo ea ho qothisana lehlokoa le limathi tse kotsi tse kang Tebello Ramakongoana, Piet Wiersma oa Naha ea Netherlands le Nokolai Volkov ba hlalileng bobeling le borarong ka tatellano ngoahola.

Ka ho basali Naha ea Lesotho ha e'a emeloa lebelong lena, 'me joaloka kamehla khalala ea mabelo a malelele Gerda Steyn oa Afrika Boroa ea sa tsoa

hapa lebelo la Two Oceans monongoaha, o tla be a beiloere merebele habohlolo ke mosali ea kotsi haholo mabelong ana, e leng Alexandra Marozova oa Russia ea ileng a hlaha maemong a bobeli ngoahola, le Shelmith Muriuki oa Kenya ea neng a thule khoele ka lipeta maemong a boraro. E mong ea matla haholo ka ho basali ea shebiloeng ka mahlo a nchocho hore a ka 'na a makatsa Steyn ke Irevette van Zyl oa Afrika Boroa, ea ileng a hlaha maemong a bone ngoahola.

Ho sa le joalo, lebelo lena le tšehelitsoe ka bokhothokhotho ba chelete e kaalo ka M8.2Millione, 'me ea tla tsoa khoeleng pele ka ho banna le basali o tla kiba-kiba ka chelete e kaalo ka M925,000.00, bobeling ebe M464,000.00, borarong ke M334,000.00, ha maemong a bone e tla ba M168,000.00. Lebelong lena ho tliil'o lefshoa lithami tse leshome kaofela tse tlang ho atleha ho thula khoele pele. Monongoaha ke limathi tse 21,633 ho hlaha lefatše ka bophara tse kenetseng lebelo lena.



Mohloai o sireletsa sekola

Tšeliso Thakholi

Khalala ea bo-motlelara Lesotho ebile e le mothehi oa sekolo sa Lesotho Academic Arts and Modeling, Maipato Frangeni Mohloai o tliil'o ntšetsa pele talenta ea hae ea bo-motlelara ka ho sireletsa sekola litlholisanong tsa Miss Born a Star Afrika, tse tliil'o tšoarelola Naheng ea Lesotho ka la 10 ho isa la 12 Loetse monongoaha.

Moroetsana enoa o tena a kenela litlholisanano tsena kamor'a ho ipabola litlholisanong tse khohle kahare ho naha, tse kang Miss and Mr Tradition Lesotho, Miss Kingdom in the Sky le Miss Born a Star Africa eo a tliil'o e sireletsa ka khoeli ea Loetse.

Puong ea hae o hlalositse hore esale e le toro ea hae ho bona litlholisanano tsa mofuta ona ho tšoarelola na-



heng ea habo, ebile e le e mong oa ba kentseng letsoho haholo ho lihlophisa. O re ho sebetsa ka thata ke eona feela ntho e mo tliselitseng katleho ena e khohle ea

bohlolo, eo a ke keng a e lebala bophelong ba hae. A re tšebetso e sa le khohle kapele ho eena ho fihlela a khotsofetse hore e hlile o ipabotse ka ho sireletsa se-

kola sena lekhetlo la bobeli.

H'a tsoelapele o re mesebetsing ea hae eohle o ntse a behile Morena Molimo kapele, le ho leboha bohle ba mo etelletseng pele le ho mo tšehetsa tlhophisong ea mokete ona. A re litholisano tsena li tliil'o ba matla haholo khahlanong le bao a tlang ho nkhisetsana mahafi le bona, kaha bohlo ba bona ba e-na le boiphihlelo le litsebo tse batsi tsa papali ena. Leha ho le joalo, o tisa hore o tliil'o hapa lipelo tsa baahloli, 'me o tla hlola, "kaha sena se tla be se pakahatsa boiphihlelo ba ka le lerato le leholo la talenta ea ka."

A re litlholisanano tsena li

molemo haholo hobane li thusa bacha hore ba tsebe meetlo le lipuo tse fapaneng tsa lichaba tsa Afrika. Ka holimo ho tshole li etsa hore bacha ba be le boitšepo ba sa le banyenyane lilemong le ho khotsoletsa boetapele.

Ke limotlelara tse 60 tse kenetseng litlholisanano tsena ho hlaha linaheng tse robeli tsa Tikoloho ea Afrika e leng Zimbabwe, Afrika Boroa, Botswana, Kenya, Zambia, Eswatini, Mozambique le Lesotho e le lona le amohelang baeti. Mohla mokete naha ka 'ngoe e lebeletsoe ho tla bapatsa lijo le metjeko ea eona. Linaha tsena li tla be li keteke 'moho le limotlelara tsa Lesotho lilemo tse 60 Naha ea Lesotho ipusa.

'Tšepo e teng leha e sa bapala hantle'



Tšeliso Thakholi

Sehlopha sa Naha sa Bolo ea Mao-to, Likuena se bapetse ka seahlolo sa 1-1 le ho shapuo ka phafa e bohloko ea 4-0 ke bo-mphato'a bona ba Harambee Stars ea Kenya, lipapaling tse peli tsa boitokisetso ba litlholisano tsa Mohope oa AFCON 2027 tse bileng lebaleng la Lucas

Moripe, Pretoria, ka Labone le Sontaha mafelong bekeng e fetileng.

Lipapali tse na tse bapal- etsoeng Naheng ea Afrika Boroa ka bobeli, li file lihlopha tse na ka bobeli boikoetliso boo li neng li bo lebelletse. Sehlopha sa Likuena se ne se bonahala bofokoli bo boholo kaha se qalile papali ea pele ka libapali tse ncha boholo. Lipapali tse na ke seipone ho bakoetlisi hore Likuena e lokela ho lokisoa mona le mane, hore e tle e atlehe ho hlalisa sephetho

se lebeletsoeng lipapaling tse tlang tsa AFCON 2027.

Sehlopha sa Harambee Stars se tlas'a bakoetlisi ba Benny McCarthy, eo e leng lekhetlo la hae la pele ho hlola sehlopha ka lintlha tse 'ne har'a lipapali tse 19 tseo a seng a li bapetse ho tloha h'a qala ho koetlisa sehlopha sa Kenya. O ne a bapala ka libapali tse neng li ntse li shebahala li le lilemong tse tlaase joaloka tsa Likuena papaling ea pele, eo a e bapetseng ka Labone. Letsatsing la Sontaha

o ne a tsoakile libapali tse tloaelehileng le tse ncha.

Mokoetlisi oa Likuena, Bob Mafoso, o ne a sa etsa motsoako o tsoanang le oa Kenya, kaha boholo o ne a ke ntse libapali tse ncha, e le ho lokisetsa sehlopha hore se tle se be le bokamoso, le hore ha ba tlii'o bapala AFCON 2027 ba be ba tseba ka botlalo seo ba lokelang ho se etsa. Re bone hore mosebetsi o sa le mongata oo mokoetlisi 'moho le bao a sebetsang le bona ba lokelang ho o etsa, e le hore sehlopha se tle se tsebe ho tiea, se be matla lipapaling tseo se tlang se li lebile.

Hajoale Likuena ena le tšehetso e felletseng ea Mokhatlo oa Papali ea Bolo Lesotho (LeFA) 'moho le barati ba bolo,'me ba loke- la ho etsa sohle se matleng a bona ho thabisa sechaba sa Basotho ka ho ba tlela le tlhlo lipapaling tsohle, e kaba ke tsa setsoalle kapa tsa litlholisano, kaha sena se matlafatsa maemo a sona mathathamong a CAF

le FIFA joaloakaha tse na tse tsoa feta, li ne li hlile li shebiloe ka leihlo le nchocho ke FIFA.

Ho ea ka barati le batšehetsi ba sehlopha sa naha, bofokoli bo boholo bo ileng ba bonahala haholo lipapaling tse na tse peli tse tsoa feta, Likuena e ne e shebahala e ntse e-s'o loke hantle le ho itemoha hore e emetse naha. Ba re har'a liphoso tse bileng mpe ka ho fetisisa ke e entsoeng ke sethithibane Sekhoane Moerane e ileng ea qetella e entse hore a fumane karete e khubelu.

"Bosieo ba hae bo ile ba re kenyetsa metsi ka moli hoo re ileng ra qetella re shapuo 4-0. Re kopa a thusoe hore a se hlole a etsa phoso ea mofuta o joalo hape. Ba boletse joalo ba bile ba phethela ka hore mola o kamorao oa Likuena o ne o batla o tsoere hantle, empa hone ho bonahala se- baka se lipakeng tsa mola o hare le o kapele se le se selele, hoo bahlaba-lintlha ba neng ba sitoa ho nehelatsana libolo kaha o kapele o ne o makuoe haholo, 'me ho hlaba lintlha e ne bothata ba kob'a khomo.

E phethela lipapali tsa mantšano

Tšeliso Thakholi

Lihlopha tsa lehae tsa papali ea Basketball li phethetse lipapali tsa tsona tsa Liki e Kholo tsa selemo sa lipapali sa 202 Lihlopha tsa lehae tsa papali ea Basketball li phethetse lipapali tsa tsona tsa Liki e Kholo tsa selemo sa lipapali sa 2025/2026, mabaleng a Ha Ratjomose, Maseru, ka Sontaha sa la 7 Phupjane monongoaha, moo sehlopha sa basali sa BKM Sharks se ileng sa sulafal- etsa BKM Dolphins mafelo a beke, ka ho se teteka ka phafa ea 67-35, 'me ea e-ba sona bompoli ba liki ea basali.

Lipapali tse na tse e neng e le tsona tse koalang selemo tse neng li shebiloe ka leihlo le nchocho, letsatsing la Moqebelo sephetho sa tsona se eme ka mokhoa ona: papaling ea pele BKM Shark e hlotse BKM Dolphins ka 67-35 ha papaling ea bobeli Simply Talent ka ho banna e ile ea itsamaela bolacha ka BKM Alumni ka 51-49. Letsatsing le hlahl- mang la Sontaha Simply Talent ea boela ea hlola BKM Alumni ka 69-56 papaling ea ho qetela ea mantšano.

Puisanong le ba bang ba bakoetlisi ba papali ea Basketball lipapali tsa monon-

goaha e bile tse atlehileng haholo, le hoja ho ntse ho ena le liqholotso mona le mane. Har'a tsona ba ile ba qolla bothata ba mabala a seng maamong a matle, le bothata ba mokhoa oa ho tsamaea ha libapali ha li ea lipapaling tsa tsona tsa liki. Ba re e kholo ka ho fetisisa ke tlhokahalo ea tšehetso ho tsoa ho bahoebi, e le hore papali ea Basketball e tsebe ho hola le ho matlafala. Ka hona ba ipiletsa ho batho bohle ba boithatelo bo botle ho etsa letsoho la monna.

Ba re takatso ea bona ke ho bona papali ea Basketball e hola ho feta mona moo e hotseng kateng. "Re batla ho bona ho e-na le lihlopha tse ngata tsa papali ena tse tlang ho emela naha

lipapaling tsa machaba." Ba boletse joalo ba bile ba eketsa ka hore ba batla ho e bona e bapaloa le mahaeng koana e seng likolong feela. Ba tiisa hore ka tšehetso ea bahoebi le sechaba sohle sa boithatelo bo botle ba papali ea Basketball e ka hola ho feta mona.

Ba qetella ka ho khotlaletsa bacha le batho ba baholo ho itahlela ka setotsoana papaling ea Basketball kaha e lokisa motho 'meleng le kelellong, e fana ka bophelo bo botle ka ho fokotsa mafu, e bopa bonngoe, setsoalle le ho phutha bacha ho ba bokeletsa 'moho e le ho ba qobisa lintho tse ka silafatsang bophelo ba bona.

5/2026, mabaleng a Ha Ratjomose, Maseru, ka Sontaha sa la 7 Phupjane

monongoaha, moo sehlopha sa basali sa BKM Sharks se ileng sa sulafal- etsa BKM Dolphins mafelo a beke, ka ho se teteka ka phafa ea 67-35, 'me ea e-ba sona bompoli ba liki ea basali.

Lipapali tse na tse e neng e le tsona tse koalang selemo tse neng li shebiloe ka leihlo le nchocho, letsatsing la Moqebelo sephetho sa tsona se eme ka mokhoa ona: papaling ea pele BKM Shark e hlotse BKM Dolphins ka 67-35 ha papaling ea bobeli Simply Talent ka ho banna e ile ea itsamaela bolacha ka BKM Alumni ka 51-49. Letsatsing le hlahl- mang la Sontaha Simply Talent ea boela ea hlola BKM Alumni ka 69-56 papaling ea ho qetela ea mantšano.

Puisanong le ba bang ba

bakoetlisi ba papali ea Basketball lipapali tsa monon- goaha e bile tse atlehileng haholo, le hoja ho ntse ho ena le liqholotso mona le mane. Har'a tsona ba ile ba qolla bothata ba mabala a seng maamong a matle, le bothata ba mokhoa oa ho tsamaea ha libapali ha li ea lipapaling tsa tsona tsa liki. Ba re e kholo ka ho fetisisa ke tlhokahalo ea tšehetso ho tsoa ho bahoebi, e le hore papali ea Basketball e tsebe ho hola le ho matlafala. Ka hona ba ipiletsa ho batho bohle ba boithatelo bo botle ho etsa letsoho la monna.

Ba re takatso ea bona ke ho bona papali ea Basketball e hola ho feta mona moo e hotseng kateng. "Re batla ho bona ho e-na le lihlopha tse ngata tsa papali ena tse tlang ho emela naha lipapaling tsa machaba." Ba boletse joalo ba bile ba eketsa ka hore ba batla ho e bona e bapaloa le mahaeng koana e seng likolong feela. Ba tiisa hore ka tšehetso ea bahoebi le sechaba sohle sa boithatelo bo botle ba papali ea Basketball e ka hola ho feta mona.

Ba qetella ka ho khotlaletsa bacha le batho ba baholo ho itahlela ka setotsoana papaling ea Basketball kaha e lokisa motho 'meleng le kelellong, e fana ka bophelo bo botle ka ho fokotsa mafu, e bopa bonngoe, setsoalle le ho phutha bacha ho ba bokeletsa 'moho e le ho ba qobisa lintho tse ka silafatsang bophelo ba bona.

